

Primus Stephano Comiti *Albemarla & Holderneſſi* donavit, ut inde haberet, quo filium infantulum filigineo pane nutrirer (cum *Holderneſſus* avenaceo tunc tantum veſceretur) qui nunc tamen vix ibi in uſu. Verum regnante Henrico Tertio, cum Guilielmus de *Fortibus* Albemarla Comes hoc ſeditioſe propugnaret, & vicinum agrum depopularetur, ſolo fere adæquatum fuit. Poſtea ſedes hæc erat, & quaſi caput Baroniarum *Colvillorum*, qui diu ſummo honore floruerunt, deſecerunt vero ſub Edwardo Tertio, & hæreditatem uxorio jure adierunt *Gernonii*, & *Baſſetti* illi de *Sapcot*.

VVithama fl. ſtatim à fontibus *Paunton* oppidum habet appoſitum, quod vetuſtatis nomine ſe venditat, & reſſellata Romanorum pavimenta ſæpe effodit, ponteque hic fluvius olim conſtratus erat; nam AD PONTEM hoc eſſe, quem ſeptem milliariſus à *MARGIDVNO* ſejunxit Antoninus, nomen *Paunton* cum diſtantia non ſolum à *Margiduno*, verum etiam à *Croco-calana* facile convincit. *CROCO-CALANA* enim Antonino dicebatur illud oppidum quod nobis *Ancaſter*, & hodie nihil niſi platea longior eſt ad viam militarem, cujus una pars non ita pridem *Veſcios*, altera *Cromwelloſ* Dominos agnovit. In ejus ab Auftro ingreſſu, vallum vidimus, Caſtrumque ſuperius fuiſſe conſtat, uti ex alia parte ad Occaſum æſtiva quædam Romanorum caſtra cernuntur. Britannicum illud nomen à ſitu aſſumpſiſſe videatur, ſub colle enim ſubſidet: & *Cruc maur* Britannis *Collem magnum*, & *Cruc occident*, tumulum Occidentalem ſignificaffe apud Giralduſ Cambrenſem, & Ninnium legimus, ſed quid velit illud *Colana*, viderint alii. Antiquitatis memoriam in hoc oppido propagant numiſmata Romanorum, hypogæa ſæpius aperta, ſitus ad viam militarem & quatuordecim illa milliaria quæ inter hoc & *Lincolniam* interjacent per planitiem herbidam, quam *Ancaſter-beath* vocamus, tot enim inter *Crococalanam*, & *Lindum* numerat Antoninus. Sed ad flumen.

Post *Paunton* viſitur *Grantham*, oppidum non infrequens, ſchola à *Richardo Fox* Wintonienſi Epifcopo, & templo ſpecioſo exornatum, cujus ſacra pyramis magnam in altitudinem ſurgit, & fabulis eſt famigerata. Sub hoc juxta *Herlaxton* viculum, æneum vaſculum patrum memoria, aratro erutum fuit, in quo caſſis aurea antiſſimæ formæ gemmis diſtincta reperta, quæ dono data Catharinæ Hiſpanæ Henrici Octavi dotaria. Hinc longo curſu *Withama* in Septentriones fertur, non procul à *Somerton* caſtro, quod Antonius *Beccus* Epifcopus Dunelmienſis conſtruxit, Edwardoque Primo donavit, & paulo poſt dono accepit Guilielmus de *Bellomonte*, qui circa illa tempora in Angliam venit, & familiam Vicecomitum de *Bellomonte* propagavit, quæ ſuperiori ſeculo quodammodo deſiit, cum Vicecomitum ultimi ſoror & hæres nuberet Ioanni Domino *Lovell* de *Tichmerſh*. Sed de hac familia antea in *Leiceſtrenſi* Comitatu diximus. Paulatimque inde in Euroauſtrum vergens fluvius per paluſtrem regionem infra *Boston*, in mare Germanicum ſe exonerat, cum *Keſtevenam*, à Septentrione circumſcripſerit. Qui licet pronum habeat in mare deſcenſum & amplum alveum, ex accre-

ſcentibus tamen hiberno tempore aquis, paluſtrem ad utramque ripam tractum non ſine domino opprimit, quibus tamen verno tempore per emiſſaria (*Gotes* vocant) liberatur.

Ad alteram *VVithama* ripam jacet pars hujus agri tertia *Lindſey*, Bedæ *Lindiſi* ab urbe primaria nominata, quæ *Hoilandia*, & *Keſtevena* major vaſta fronte in Oceanum procumbit, quo ad Ortum, & Aquilonem diverberatur, ad Occaſum *Trenta* flumine, ad meridiem à *Keſtevena VVithama* illo & * foſſa incili ſe jungitur, quam Henricus Primus per ſeptem milliaria à *VVithama* in *Trentam* perduxit, ut *Lincolnienſibus* ad ſubvehenda neceſſaria uſui eſſet. Qua *Trentam* attingit hæc foſſa, *Torkſey* Saxonice *Turcepiſ* ſedet, oppidulum nunc obſcurius, olim admodum celebre. Ante Normannica enim tempora (ut in libro quo Angliæ cenſum deſcripſit Guilielmus Primus, habetur ducenti *Burgenſes*) in hac numerabantur, qui immunitatibus gaudebant non paucis; ea lege, ut legatos Regios ſi quando hac iter haberent, navigiolis ſuis per *Trentam* deveherent, & *EBORACVM* uſque deducerent. Qua vero hæc foſſa *VVithama* conjungitur, prima & præcipua hujus Comitatus civitas locum habet, quam *Ptolemæus* & Antoninus *LINDVM*, Britanni *Lincoit*, à ſylvis (pro quo perperam alicubi ſcribitur *Luitcoit*) Beda *LINDECOLLINVM*, & *LINDECOLLINAM* civitatem, an à collino ſitu, vel quod Colonia fuerit, non ego dixerim. Saxones *Linco-collyne*, *Lindo-cyllancearæp*, Normanni *Nichol*, nos *Lincolne*, Latini *Lincolniam* vocarunt. Vnde Alexander Nechamus in Divina ſua ſapientia,

*Lindiſæ columen Lincolnia, ſive columna,
Munifica ſælæx gente, repleta bonis.*

Denominatum credunt alii à flumine *VVithama*, quem vetuſtiori nomine *Lindim* dictum, ſed nulla tamen authoritate ſuffulti, volunt. Nec ego illis aſſentior, refragatur enim Nechamus, qui fluvium ante cccc annos *VVithamam* hoc carmine dixit,

*Trenta tibi piſces mittit Lincolnia, ſed te,
Nec dedignaris, VVithama parvus adit.*

Malim ego à Britannica dictione *Lhin*, quæ lacum illis notat, deducere. *VVithamam* enim ad *Swanpole* ſub urbem diffuſiorem fuiſſe, qui etiam jam ſatis diffuſus, à civibus accepi, & ut *Lindaw* Germaniæ ad Acronium lacum, *Linternumque* Italiæ, ad lacum taceam: in Britannia noſtra video *Tall-hin*, *Glan-lhin*, *Linlithquo*, oppida ad lacus. Vrbs ipſa ampla & celebris collis dorſo inſidet, ubi *VVithama* in Ortum ſe deſlectit, & tribus modicis alveis diviſus inferiorē urbis partem alluit. Antiquum Britannorum *LINDVM* in ipſo collis cacumine, in quod difficili aſcenſu ſcanditur, fuiſſe, & in Boream ultra portam *Newport* procurrifſe, expreſſiſſima valli & foſſarum profundarum indicia etiamnum demonſtrant. In hoc *Vortimerus* bellicoſus ille Britannus, qui ſæpius Saxones profligarat, diem obiit, & contra quam juſſerat hic ſepultus. Ille enim ſpe plenus ſibi perſuaſerat ſi in littore ſepeliretur, ipſius manes Britanniam à Saxonibus deſenſuros, ut habet *Ninius Evoldugi* diſcipulus. Verum Saxones antiquo hoc *Lindo* diruto, primum Auſtralem collis partem occu-

Lindſey.

* Foſſedit-
ke.
Hovede-
nus.

Torkſey.
Domeſ-
day boo-
ke.

Lindum.

Lincolne.

Matth.
Paris.

Colvill.

Paunton.

Pontes.

Croco-ca-
lana.
Ancaſter.

Grantham.

Caffis au-
rea.

Somer-
ton Lib.
Dunelm.
Domini
de Bello-
monte.